

¡BOMBA!

Lo dicen hasta el fastidio,
“A Hamas, erradicado”;
cuando Gaza han arrasado,
¿aun así no es genocidio?




K'untzil

Lunes 17 de febrero de 2025

CAMPECHE · YUCATÁN · QUINTANA ROO · AÑO 10 · NÚMERO 2419 · www.lajornadamaya.mx

Xaak'ale' ku ya'alik táan u maas jéets'el tuukul a'alik wíinike' ma' chéen tu juunali'

Europa Press / p 16
Oochel NASA



Jump'éeel túumben meyaj
jo'olbesa'ab tumen máaxo'ob
ku meyaj Pennsylvania State
University (Penn State) tu noj
lu'umil Estados Unidose', ku
ya'alik wíinike' mún ma' leti'e'
noj ba'al yanchaja'an tak walkila,
tumen leti'e' chéen leti'e' ba'ax
ts'o'ok u bin u k'éexel je'el bix
u bin u k'a'abéetchajalo' ti'al u
yantal te'el yóok'ol kaaba' yéetel
uláak'o'ob wale'. Xaak'ale' tu
ts'áaj ojéeltbil túumben tuukul
yóok'olal bix úuchik u yantal

u na'atil kuxtal Yóok'ol Kaab,
je'el bix u ya'alal tu pikil ju'unil
Science Advances.

Túumben modeloe' ku p'atik
paachil u tuukulil "pasos difíciles"
jets'a'ab walkil jayp'éeel décadas,
tu'ux ku ya'alale' u na'atil kuxtale'
jump'éeel ba'al talam ka yanak,
ba'ale' le ba'ax ku ya'alal walkila'
mún lelo' jump'éeel ba'al ma' seen
talamí. U ajxak'al máakilo'ob Penn
Statee' tu ya'alobe' yéetel túumben
tuukul yóok'olal bix úuchik u
yantal wíinike' ku ya'abkubsik u

páajtalil u yantal u na'atil kuxtal ti'
uláak' tu'uxo'ob te'el universo.

"Lela' jump'éeel noj keexil ti'
ba'ax ktukultik yóok'olal bix
yanchaj kuxtal", tu ya'alaj Jennifer
Macalady, máax múul ts'íibnaj te'el
xaak'alo'. "Ku ta'áak na'atbile' le bix
úuchik u wáach'al kuxtale' jelpaj
je'el bix úuchik u bin u machikubáaj
yéetel ba'ax yaan tu bak'pachil;
beey je'epaj uláak' tuukulo'ob ti'al
xak'altbil ikil u máax k-kaxt bix
je'el kna'atik tu'ux ktaal yéetel tu'ux
k-kúuchil te'el universoa".

"Táan k-a'alike' ti'al u yantal u
na'atil kuxtale' mún ma' k'a'abéet
chéen suertei'", tu ya'alaj Mills,
máax meyajnaj tu laboratorioil
astrobiología Macalady te'el Penn
Stateo'. "Wíinike' ma' 'séeb' mix
'xaan' úuchik u k'éexel ti'al u
kuxtal Yóok'ol Kaabi', lelo' úuch 'tu
súutukil' ka'aj yanchaj u yúuchul.
Mún chéen yéetel u máan k'iin je'el
u yojelt pajale' tumen ma' xaan wa
ti' uláak' lu'umkabile' je'el u kanik
kuxtal maas seba'an ti' le úuch wey
Yóok'ol Kaabe'", tu ya'alaj.